

Kapitali 5. MEEQQANIK AKIUUSSUSSIISARNEQ

Tappiorannartunut tingulluummik hepatitis B-imik nappaateqalersitsisartunut pneumokok-inullu uloria-naatilinnik aseruuttoortitsisartunut akiuussutissinneqarnissaq, Kalaallit Nunaanni meeqqanik akiuussutissiisarnermut maleruagassiamut, akiuussutissat nutaat marluk septembarip aallaqqaataani 2010 neqeroorutaasinnaangorput. Tamatumunnga atatillugu akiuussutissiinissamut piffissat aalajangersakkat ilaat allannguuteqartinneqarput. Maleruagassaq nutaaq tabelimi 14-imi takuneqarsinnaavoq.

Maleruagassap nutaap atuutilerneranut atatillugu qarasaasiakkut allattugaatini (Æskulap) nalunaarsuiffissap nutaap atuutilerneragut tamatumunnga immikkut naatsorsuussamut akiuussutissiinerit tamarmik nalunaarsorneqartalissapput. Taamaasiornikkut akiuussutissiineq ataasiaannarluni nalunaarneqassaaq nalunaarnerlu taanna uppersaanissamut piumasaqaammik eqquutsitsivoq, meeqqap akiuussutissinneqartarsimaneramik takussutissiilluni nalunaarutiginninnissamullu piumasaqaammik eqquutsitsilluni. Taamaasilluni Nuna-tsinni Nakorsaaneqarfik Æskulap-imiit akiuussutissiisarneq pillugu toqqaannartumik paasisutissanik tutsuiginartunik pissarsisinnaangorpoq.

Maleruagassap nutaap atuutilernerani qarasaasiakkut sullississut ajoraluartumik piareersimangimmat aatsaallu marsi qaammat 2011 sumiiffinni tamani atorineqalermat atuutilersinniarneralu sumiiffinni tamani ajornartorsiutitaqarsimammat, sinerissami sulisut tamarmik akiuussutissiineri sullississummik atuisinnaanissaat nalunaarsuinerullu taamaasilluni assigiiaartumik ingerlanneqarnissaa aalajangiisuummat, 2010-imi akiuussutissiisimaneq nalunaarusiorneqarsinnaasimangilaq.

Takussutissiaq 14	Kalaallit Nunaanni meeqqanik akiuussutissiisarnermi maleruagassaq (1. sept. 2010)
Ukiut	Akiuussutissaq
Qaammateqalinngitsut	Sakiilluut TB (BCG) Tingulluut Hepatitis B
Pingasunik qaammatillit	Di-Te-Ki-Pol-Hep 1 Pneumokokker 1
Tallimanik qaammatillit	Di-Te-Ki-Pol-Hep 2 Pneumokokker 2
Ataatsimik ukiullit	Di-Te-Ki-Pol-Hep 3 Pneumokokker 2
15-inik qaammatillit	MFR 1
Sisamanik ukiullit	MFR 2
Tallimanik ukiullit	Di-Te-Ki-Pol akiuussutisseeqqinneq
Aqqaneq marlunnik ukiullit	MFR 2 Hepatitis B 1 (qaammateqanngitsut)** Hepatitis B 2 (marlunnik qaammatillit)** Hepatitis B 3 (arfinilinnik qaammatillit)** HPV 1 (niviarsiaqqat) (qaammateqanngitsut) HPV 2 (niviarsiaqqat) (marlunnik qaammatillit) HPV 3 (niviarsiaqqat) (arfinilinnik qaammatillit)
18-it inorlugit ukilullit	Qimmeralanneq (Rubella)
* Meeqat septembarip aallaqqaataani septembarip aallaqqaataaniit 2010 sisammeereersut (2018-ip tungaanut)	
** Meeqqat septembarip aallaqqaataani 2010 pingasunik qaammateqalereersimasut (2022-ip tungaanut)	